



白沙先生全集卷之十一

補

門人通政司叅議張訓編校
後學新會縣教諭俞樟重校

古選

和龜山此日不再得韻

能飢謀藝稷冒寒思植桑少年負竒氣萬丈磨
青蒼夢寐見古人慨然悲流光吾道有宗主千
秋朱紫陽說敬不離口示我入德方義利分兩
途析之極毫芒聖學信匪難要在用心臧善端

日培養庶免物欲戕道德乃膏腴文辭固糝糠
俯仰天地間此身何昂藏胡能追軼駕但能漱
餘芳持此木鑽柔其如磐石剛中夜攬衣起沉
吟獨徬徨聖途萬里餘髮短心苦長及此歲未
暮驅車適康莊行遠必自適育德貴含章邇來
十六載滅迹聲利場閉門事探討峻俗如驅羊
隱几一室內兀兀同坐忘那知顛沛中此志竟
莫強譬如濟巨川中道奪我航顧茲一身小所
繫乃綱常樞紐在方寸操舍決存亡胡爲謾役

役斷喪良可傷願言各努力大海終回狂

荅張內翰廷祥書括而成詩呈胡希仁提

學

古人棄糟粕糟粕非真傳眇哉一勺水積累成
大川亦有非積累源泉自涓涓至無有至動至
近至神焉發用茲不窮緘藏極淵泉吾能握其
機何必窺陳編學患不用心用心滋牽纏本虛
形乃實立本貴自然戒慎與恐懼斯言未云偏
後儒不省事差失毫釐間寄語了心人素琴本

無絃

代簡谷羅一峯殿元

臺城一揮袂忽忽星週五路永消息斷年深別
離苦思君髮爲白始白數莖許今晨對書尺白
者不可數先生天下士詎肯顧衡宇悵望曹溪
約獨與光也語一峯約會南華不至

贈張叔亨知縣

栖栖白沙舫影弄寒江月夫君沙陽令胡事顧
微劣我祖在九冥願君爲墓碣三夜茅簷下寒

燈坐來滅感子心意勤愧我言詞拙明發江上
舟跡與君別

夢作洗心詩

一洗天地張政教還先王再洗日月光長令照
四方洗之又日新百世終堂堂

戲贈館賓

遲遲歲將暮戚戚懷故里館中飢鼠多旅食驢
兒尾垂德於不報世間寧有此行季無一錢還
家對妻子

冬夜二首

長夜氣始淒木綿被重裘端坐思古人寒燈耿
悠悠是時病初間背汗仍未收學業坐妨奪田
蕪廢鉏耨高堂有老親遍身無完紬丈夫庇四
海而以俯仰憂口腹非所營水菽吾當求明且
理黃犢進我南岡舟

又

我從省事來過失恒十九喜怒朝屢遷言爲夕
多苟平生昧慎獨即事甘掣肘孔子萬世師天

地共高厚顏淵稱庶幾好學古未有我才雖鹵
莽服膺亦云久胡然弗自力萬化脫樞紐顏顏
無復少此志還遂否歲月豈待人光陰隙中走
念此不成眠晨星燦東牖

經鱷洲

夕舫凌大波北風吹我席冥冥鱷洲煙宛對君
山碧來鴈知天寒歸人看月色超超塵外心浩
矣周八極

崖山看大忠祠豎柱阻風七日後發舟用

舊韻

青青竒石草上有牛羊躅
洶洶崖門水遠帶湯
瓶山名綠浮雲散孤嶼
初日明村曲言歸輒風
濤無乃疑張陸遲遲重
遲遲畏此波心木漁人
植長木於波間置罾俗
呼爲罾咸觸之能覆舟

自策示諸生

賢聖久寂寞六籍無光輝
元氣五百年一合又一
離男兒生其間獨往安
可辭邈哉舜與顏夢寐
或見之其人天下法其
言萬世師顧予獨何

人瞻望空爾爲年馳力不與撫鏡歎以悲豈不
在一生一生良遲遲今復不鞭策虛浪死勿疑
請回白日駕魯陽戈正揮

湖西八景爲羅脩撰作倣一峯體

太極丸春

天城列兩儀其中位太極
山名不悟名象生焉
知畫前易伏羲古已亡
圖書久晦蝕寄語山中
人妙契在端默

翠玄洞天

翠玄在何許乃在金鰲麓石門俯深幽來者秉
明燭繡壁誰可緣丹房我當宿呼童烹金鰲膏
此千丈木

一峯來秀

湖西有一峯天地得撐拄旁有龍塘峽北有浮
香塢我行昆崙立一望一延竚歸來二三子抵
掌太極語

三峽廻清

一峽蟠一龍群山莽回互武夷雖九曲三峽誰

勝負澄澄水上月歷歷谷中樹焉得千丈筇坐
弄潺湲處

金鰲霽雪

一鰲海上來頭戴雪花白諸鰲起相拒千秋歸
不得仙人羅一峯永戲金鰲側借問別離時西
佛生彌勒

玉冕晴雲

玉冕臣諸峰左右羅絡之雲來巾其真得雨不
復疑豈無澤物功雲覆在何時悵望百谷春廣

濟蒼生飢

飛舉橫翠

我昔遊太空太空雲冥冥歸來控翠蚪力與金
鰲爭巍巍太極尊揮置東西行如何千載下空
儼飛舉名

大流垂玉

大流無此竒偶值銀河傾願回銀河流危與世
濁并一洗日月光再洗天地清何止天地清萬
古無甲兵

題冷菴江西僉憲陳琦自號

舉世好近熱子獨畏之猛投身向壑雪未謝白
日影玉壺貯清冰秋露滴金井是以冷自勝千
世非絕屏假令務絕屏過與近熱等我以道眼
觀天下方首肯寒暑兩推移正中太和境寄語
菴中人不熱亦不冷

值賦三側韻

扶南訪黃巖尹鄺載道適來顧白沙雨不
行舟石門浪不識扶溪口時時問來往日入喪

水手昨暮黃巖馬來嘶白沙柳惜哉兩不遇獨
坐空搔首

我有一斗酒願與子秉燭子來復空去值我不
在屋稗子呼不至踉蹌走入竹明日歸我艇先
後迓以告

閑居不礙出偶出負佳客問客來何許來自黃
巖謫長安接笑語中道有暎隔悠悠百年內與
子異顯默

感事

君心如逝水一往不復旋誰能萬里浪安坐駕
此船傷哉一何愚由我不由天仁者固有矜智
士乃自全

夢觀化書六字壁間曰造物一場變化

孔子曳杖歌逍遙夢化後吾夢已逍遙六字書
在牖聖愚各有盡觀化一遭走問我年幾何春
秋四十九死生若晝夜當速何必久即死無所
憐乾坤一芻狗

貪泉

藜藿可養生栢棺可送死瓦礫是黃金貪泉亦
清泚飲水心不易豈獨夷齊爾山鬼笑儂家儂
家笑山鬼

九日諸友會飲白沙分韻得鴈字

黃菊有佳辰良朋樂呼喚爭持淵明杯來接子
桑飯落葉迎馬鞭斜暉轉沙听雨聲靜秋竹池
影入江鴈酒酣獨高歌呼兒續我斷諸君極留
戀十觴亦不筭雖無孟嘉量且免落帽亂百年
能幾何去者已強半來會安可期細把茱萸看

贈林汝和通判

在昔黃金臺與子初周旋萍蓬忽相失不見垂
十年昔爲禮曹官今搖慶陽鞭常聞太華峰峻
絕峙中天雅志在登陟矯如孤鵠騫適來南海
旁問訊滄洲屢語舊未終日棲棲有所牽丈夫
重出處富貴如浮煙行則爲在田止則爲在淵
勞勞夫何爲贈子千金言

贈馬龍如湖西莫一峯先生

晨興坐捫虱有客窺我床客來問何許顏色慘

不光去歲秋在季文星墜西江兩師羅一峯幸
視我弟兄相見不得語失聲淚滂滂子行詣湖
西問訊我有將夙夕夢見之恍若芙蓉城覺來
索苦句句就滂未停何以告一峯寄意於辦香
索火化奠文一峯其洋洋我病久南海欲徃未
得行送子出門去目極秋天長

贈陳秉常四首

遠色霽初景清風振遙林子來入我室弄我花
間琴正聲一何長幽思亦已深願留一千歲贈

子孫池音

黍稷雜菴葷邪思亂正性人爲一鹵莽諉曰天
之命白日朝出東須臾復西曛良時誠可惜逝
矣悲莫競

大舜卷婁之莊周竟奚取人生貴識真勿作孟
浪死誰能去中土儻舍朝鮮里白首金石交視
我南川子

我否子亦否我然子亦然然否苟由我於子何
有焉人生寄一世落葉風中旋胡爲不自返濁

水迷清淵

藤蓑五首

一蓑費幾藤南岡礪朝斧交加落翠蔓制作類
上古吾聞大澤濱羊裘動世祖何如六尺蓑滅
蹟蘆花渚舉俗無與同天隨夢中語今夜不須
歸前溪正風雨

又

人好蓑亦好月光水亦光水南有浦媪酒熟喚
我嘗半酣獨速舞舞罷還舉觴所樂在知止百

年安可忘

又

挽蓑欲何爲新月出東嶺獨速舞不休凌亂何
由整曠哉添園吏自形還自影

又

新蓑藤葉青舊蓑藤葉白新故理則然胡爲浪
忻戚扁舟西浦口坐望南山石東風吹新蓑浩
蕩滄溟黑須臾月東上萬里天一碧安得同心
人漣娑共今夕

又

朽生何所營東坐復西坐搔頭白髮少攤地青
蓑破千卷萬卷書全功歸在我吾心內自得體
相安用那

賽蘭

南有賽蘭香名花人未識光風散微馨其露洗
新碧一月薰蒸來氤氳在肝膈乃知方寸根中
稟天地塞誰爲續騷手俯仰空悽惻窻戶悄無
人圖書共昕夕

天人之際

天人一理通感應良可畏千載隕石書春秋所
以示客星犯帝座他夜因何事誰謂匹夫微而
能動天地

春梅侍御見寄

群龍盛朝野弱羽聊山林行春忽傾蓋對榻山
花深引我一杯水寫君龍唇琴水言歌大篇風
雅有遺音乃知鷹鷂氣未愜鸞鳳心王事有驅
迫暮雨別江濤離情落晚趣再枉三洲吟何以

舒我懷青天眇遙岑

寄題三洲巖

我行蒼梧道息漿荒江湄連岡一以眺石室涵
晚暉前哲有題字執炬往讀之遲回北壁下目
擊元公遺今古一相感光風吹我衣虫鳴丹竈
中葛仙胡不歸對之發長嘯宇宙今何時圓蟾
夜罔罔蝙蝠秋飛飛願言托高樓行矣無是非

病中寫懷寄李九淵

出門見齋顏十日不一逢以我腹中滿憶君頭
上風頭風尚可灸腹滿何由通受氣我亦薄况
乃疾病攻五十去始衰三四謝春冬鬚顏倏以
凋血氣少復充客來索我書顏禿不能供茅君
稍用事入手稱神工以茲日衮衮求負全生功
長揖謝茅君安靜以待終

和梅侍御見寄

飛蓋凌滄溟高臺拂朱鳥乾坤一水浮日月雙
輪繞塵埃紛局促正坐眼孔小景山千丈松慰
我冰雪皎萬里一春風東西逐騾裹故人子羅

子仙鶴歸華表暮雨江門舟舍悽問封草假令
鮑叔在一士亦不少誰云越臺近舉目河山杳
冥冥白沙塢雲煙共昏曉

題劉氏雙節卷

阿姑與阿嬾守此芳歲闌三十寡且貧紡績供
朝食孤兒泣長夜秉燭更抱看苦心兩咽絕芳
顏亦凋殘持此雙白壁輝映天地間

聖皇重民極門閭合施丹煌煌東白碑終古埋空山
我母寡更早賦詩滄泐瀾弱草因風靡頽波良

獨難

送李劉二生還江右用陶韻二首

夜聞桂樹芳晨起山鳥喧客從遠方來歷我階
西偏手持諸侯書徵會在匡山我願結其人遂
往不復還滯形宇宙內俛仰獨何言

中年見二子楚楚西江英問訊徐蘇里千年有
餘情開尊對溟月高歌亦心傾胡爲別我去感
此秋蛩鳴贈處各有言慨然盡平生

漫題二首

日月逝不處奄忽幾華顛華顛亦奚爲所希在
寡愆韋編絕周易錦囊韜虞絃飢食玉臺霞渴
飲滄溟淵所以慰我情無非畹與田提攜衆雜
上啼笑高堂前此事如不樂他尚何樂焉東園
集茅本西嶺燒松煙疾書澄心胸散滿天地間
聊以悅俄頃焉知身後年
仕者必期通隱者必期高麋鹿或可群肉食安
可饕聖人履中正白首濟川舸悠悠荷蕢者果
識聖心勞浮雲馳白日黍稷生蓬蒿飯蔬食飲

水曲肱謝遊遨汶上去不顧陋巷貧絕交徒聞
武城宰割鷄以牛刀

言外拉馬玄真看山

官府治簿書倥偬多苦辛文士弄筆硯著述勞
心神而我獨無事隱几忘昏晨南山轉蒼翠可
望亦可親歲暮如勿徃枉是最間人近來飲酒
者惟我與子真能移柳間舫同泛江門津

感劉琨與盧諶事

越石信英臣子諒亦文雅生遭晉運微奔走風

塵下晉陽笑明月胡雛夜回馬并州困石勒從
事爲別駕成敗非所論吾憐鑿坏者

和陶一十二首

望歸田園三首

我始慚名羈長揖歸故山故山樵采深焉知世
上年是名鳥槍揄非曰龍潛淵東籬采霜菊西
渚收菰田遊目高原外披懷深樹間禽鳥鳴我
後鹿豕遊我前泠泠玉臺風漠漠聖池煙閑持
一觴酒歡飲忘華鎮逍遙復逍遙白雲如我閒

乘化以歸盡斯道古來然

高人謝名利良馬罷羈鞅歸耕吾豈羞貪得而
妄想今年秋又熟謹呼負禾往商量大作社連
村集少長但憂村酒少不充儂量廣醉即拍手
歌東西卧林莽

近來織畚徒城中售者希朝從東臯耕夕望西
巖歸貧婦業紡績燈下成歲衣但令家溫飽不
問我行違

高金移居二首

萬金論買隣千金論買宅豈不念子孫而以營
朝夕長揖都會里來趨白沙役壤地何必廣吾
其寄一席隣曲彌樂今園林尚懷昔吾志在擇
善無然後離析
流連晡時酒吟咏古人詩夕陽傍秋菊采之復
采之采之欲遺誰將以贈所思所思在何許千古不
同時四海倘不逢吾寧獨去茲願言秉孤貞勿
爲時所欺

九日閑居

無錢撫秋菊向夕涼風生誰爲白衣者頗識江
州名映杯碧水靜曜日丹葩明天際孤鴈去草
根虫一聲在苒委時節裴徊閱年齡興來發長
歎意盡還一頃儉德苟不慚厚祿安可榮白首
希高賢清謠眇遺情人生亦易足何必勤無成
和劉柴桑寄袁道見懷一峯之意

當年臺城會執手多踟躕四海一爲別寒暑逝
不居遠意屬羅浮舉頭望匡廬胡然金牛谷奄
忽成丘墟蛻骨歸復土靈衿存爲畚庶幾百代

下板駕以忘劬
素侯西江英好德
眼中無尺素
每欲近十年
不作踈磨劍
患不快快則隨所湏
未願磨此心
恢恢快劍如

和郭主簿寄莊定山

青松出喬木
遙望十里陰
少年不結友
歲暮懷
同襟同襟問爲誰
定山携一琴
悠然一鼓之不
辯古與今
在昔經江東
多士予所欽
論文一觴
酒惟我與子
斟豈意千載下
復此聞韶音
我病
不出戶
何時還
合簪茫茫宇宙內
與子契其深

贈羊長史寄遼東賀黃門欽

此心自太古
何必生唐虞
此道苟能明
何必多
讀書寂寂委山澤
于千來京都
斯人各有分
彼
此何能踰
杪秋風日清
呼兒理肩輿
聊爲玉臺
遊言笑誰與俱
屈指意中人
一坐一踟躇
歸來
看四壁四壁光
如如聖道日榛
塞誰哉剪其蕪
夫子久不見
吾生何以娛
常恐歲月晚
况與音
問踈申以伐
木章一日三卷舒

飲酒

木犀冷於菊更後十日開清風吹芳香芳香襲
人懷千回嚙入腹五內無一乖雖靡鸞鳳吟亦
有鷓鴣棲昔者東籬飲百榼醉如泥那知此日
花復與此酒諧一曲盡一杯酩酊花間迷赤脚
步明月酒盡吾當回

庚子歲九月中於西田穫早稻

遲明向南畝踈星在簷端夫出婦亦隨無非分
所安道旁往來人下車時一觀問津津不知仰
視飛鳥還邏苗遠時夕濯足荒溝寒吾惜耦耕

好焉知世路難伐鼓收西畝黃雲被江干聊用
代糟糠作鬻歡賓顏隣叟携兒來戲嬉松下關
齊聲鼓腹謳求謝攢眉歎西涯先生嘗讀此篇
曰第四句不類蓋予
嘗自疑者今不欲改之
以見西涯之不苟也

懷古田舍

君子固有憂不在賤與貧農事久不歸道路竟
徒勤青陽動芳草白日悲行人沮溺去千載相
知恒若新出門轉窮厄得已聊一欣甘雨濡夕
畛繁花暮春津獨往亦可樂耦耕多近隣百年

鼎鼎流求從耕桑民

製布裘成偶題寄黎雪青

海布剪黃雲嶺綿裝白雪製爲道人衣方直無
周折吾老不出門躬耕慕箕缺黃昏披此裘坐
望梅村月美人遺我酒小酌三杯烈半酣發浩
歌聲光真朗徹是身如虛空樂矣生滅滅雪青事佛

紫菊一首寄林時嘉

嚴霜百卉枯三徑挺秋菊綠葉明紫英微風遍
寒馥芳情謝桃李雅望聯松竹懷哉種花人杳
在江一曲遺我盎中金南窗伴幽獨時無續騷
手顛悴誰當錄且脫頭上巾茅柴今可漉

感鳥

有鳥不知名皎然閨中清育雛上庭竹衆鳥不
敢凌暮雨啣虫歸喚雛雛不應以翼覆雛宿夜
久巢屢驚小僕極殘恐不眠伺東榮扳巢襲其
母母去巢亦傾一雛墮地死二雛尚啾嚶平明
視竹根群蟻正經營子弱母護之無母何以生
嗚嗚號者死宛有雌雄情入簾逼我枕爲我再

三鳴此鳥初來巢卑卑近前楹我無害鳥心人
謂此鳥靈終焉失所托此禍將孰懲吾甚愧此
鳥感之欲霑纓呼奴撻其背流血非所矜再拜
謝此鳥此意何由平

賓陽樓八景 為丘御史作存其三

穀城呼月

微月瞰高樓樓中酒初瀉旁見穀城山孰是呼
月者騰騰露光景寂寂開迥野笑問圯上翁何
如此山下

牌山樵歌

日夕樓上飲瞻望南山阿樵夫睨林木會意豈
在多白雲滿山逕負薪行復歌人生異出處貧
賤奈爾何

羅水漁歌

有月來照人沉竿坐羅水意與羅水深夜靜歌
亦起江湖雖云樂天地懼終否豪哉賓陽子發
蹟異姜呂

題萬碩司訓風木圖

把君風木圖識君風木心賢者不易貴遠者寧
務今嗟哉鼎與茵充足時所欽

築室

辛勤結吾廬經始筭一一廣狹更度量卑高在
平秩堂以備薦享閣以邀風日前樹貞節門後
沿渭川室四垣謝粉飾牡蠣高爲骨仰瞻勢微
峻其間僅容膝旣以儲簡編猶堪歛袍笏是年
秋在仲筮日欣得吉良友交助余衆工告易畢
把酒對梅花浩歌新突兀

讀林緝熙近詩時緝熙典文衡閩中欲便
道還家數夕前嘗夢見之故有是作

言笑不可親中宵馳夢想君行幾千里道路輕
閩廣忽見囊中詩區區謝官長深淵或遺珠努
力試一往微官亦何事感激章欲上行止各有
時姓名忌標榜此言誰爲傳聊以慰俯仰

將如外海看山先寄道傍諸友

吾衰何所如俯仰在一席舍旁有小水相望渺
南北靜久動乃宜住多行亦得朝徃暮南還路

旁事舊識故人邀我飯半餉
吾未惜東老對回公神仙無惡客

秋興三首

西風振庭木虛堂夜蕭蕭攬衣起步月歸鴈雙
飄飄天地豈予獨知音不可招冥心祈有合悵
望空雲霄

盛時不得意衰老徒傷悲志士曷爲爾載籍多
見之翹首面崑崙白龍有遺池振衣一千仞高
詠秋風誰

海上有一士來往不知年或就胥靡飯或投上
方眠游處各有徒孰謂世情然飲酒不在醉弄
瑟本無絃借問子爲誰得非魯仲連

謝琴月惠荔枝

長夏風雨過西良荔枝熟晚有好事人提筐歸
我屋老母不肯嘗馨香闌隔宿上以薦祖考支
分及童僕第令筐中有不畏稚兒哭爾惠良足
嘉吾親索多淑在德不在物豈謂窮口腹東坡
三百顆日啖不知足長爲嶺南人千載披心曲

贈世卿六首

采菊復采菊嚴霜下庭木豈無桃李顏畏此天地肅落落枝上英未傷食者獨持贈楚人歸投之江魚腹

青青墻下竹冬後色如是燦燦月中花歲寒香不匱新知語未足遠別情難置獨上江門舟北風日凌厲

進亦人所憂退亦人所憂得亦人所憂失亦人所憂所憂非憂道所憂其可留所憂非憂貧所

憂其可休古來嚮道人能辨憂所由去去凌九霄行行戒深溝敬此之謂脩怠此之謂流

元神誠有宅灝氣亦有門神氣人所資孰謂老氏言下化固其蹟上化歸其根至要云在茲自餘安足論

可以參兩間可以垂萬世聖人與人同聖人與人異堯舜於舞雩氣象一而已大者苟不存翩翮竟奚取老夫嘗用力茲以告吾子文字費精神百凡可以止一落永不收年光建瓴水

上上崑崙峰諸山高幾重望望滄溟波百川大
幾何卑高入揣料小大窮多少不如兩置之直
於了處了

容珪輓二首

師友道久衰窮鄉無可者是非真妄間彼此不
相假所適一以偏較然見趨舍滔滔復滔滔風
俗日益下珪也何所之終身在陶冶

四雛一母乳衍衍東山岑二雛羽翼長一去無
遺音母衰二雛小中夜哀莫任感此骨肉別情

然傷我心蕭蕭暮色起脉脉春江深百年會有
盡淚下雍門琴

有懷世卿四首

仙鶴去不歸黃鸝向人語空館忽相思雲山杳
何許出門望東海默默空延竚月出潮復來鳴
撓下滄渚

時雨日夕來郊原藹新綠白雲被重崖下映寒
塘曲情結竹上言魂消井邊躅三年隔瀟湘書
至不可讀

白沙全集卷十一
二十五
伏枕廬山下春懷慘不舒
衰絃久去耳風韻今
何如灼灼花自媚
嚶嚶鳥相娛
高臺夕流盼古
道行人踈

煩囂謝人境
抱膝山臺居
奈此枝上鳥
交交春
雨餘少年耳目冗
衰老不能虛
安得魯連子
從之泛江湖

觀自作茅筆書

神往氣自隨
氛氲覺初沐
聖賢一切無
此理何由矚
調性古所聞
熙熙兼穆穆
耻獨不耻獨

鋒萬莖禿

益母草

有草人不識
弃之等蒿萊
時來見任使
到口生風雷
溲也佐未足
益以密與醅
生者得其養
死者無遺胎
岐黃開本草
天札人所哀
一物具一用
神功不可猜
佳名夙所慕
廣濟真天才

送劉方伯東山先生

未別情何如
已別情尤邈
豈無尺素書
遠寄天一角
江門卧煙艇
酒醒蓑衣薄
明月照古松
清

風灑孤鶴

遊圭峰同世卿作

窮居無歲年老夢得迂朽未托山水間東西事
遊走幽幽鐵橋花悵望未得手杖屨聊此躋微
霜正踈柳歛襟欲無言會意豈在酒滄海當我
前崑崙卓我後但談孔氏規坐失微生畝

示李孔脩近詩

昔別秋未深今來歲方晏吾衰忘筆硯月記詩
半板或疑予美聖未若陶潛淡習氣移性情正
坐聞道晚爲我試讀之如君當具眼

蔣韶州書至代簡荅之

相別何悠悠梅花十寒整音塵中斷絕宵若墮
深井忽枉尺素書開讀喜不定庾嶺秋正高揚
旌下松逕君才足理郡韶民日延頸古來水火
喻子產功在鄭歲計諒有餘願聞下車令

八月二十四日颶作多溺死者

坐忘一室內天地極勞攘顛浪雷殷江流雲墨
惟障高田水滅頂別塢風翻舫大塊本無心縱

橫小兒狀江門三兩詩饒舌天機上

讀張廷實主事近稿二首

世惟識寶人惜寶如惜子寶爲物所拚念之容
色悴一朝此寶來輒復喜不已喜戚由寶故以
識爲心累

贈鍼灸揚飛

昔吾見而翁賣藥金陵市手持一寸鍼鍼落病
者起我主大行人莊定山峯爲行人司副翩翩
酒相值京中多異客飛蓋若流水一峰挾一囊

有藥能醫世時當引疾去東西各飄逝歲月忽
復多囊括針亦廢君來還見予俯仰相悲喜何
期二紀下重睹無雙技瞻彼老定山風波五千
里金陵多舊游存沒寧復記人生若浮煙爲君
語如是

正月二日雨雹是日雨水節

雨水不雨水雨雹胡乃然小者如蓮實大者如
彈丸仍聞隰江言有雹大如拳吾

君古帝堯神功格皇天雹往而霰來無乃爲豐年

後二日雨霰

五日雨霰二首

北風卷長雲晨光坐來滅映空絮忽飛誰謂越
無雪

又

元氣塞天地萬古常周流闕浙今洛陽吾邦亦
魯鄒星臨雪乃應此語非謬悠

讀張地曹澗拈之作

拈一不拈二乾坤一爲主一番拈動來日出扶

桑樹寂然都不拈江河自流注濂洛千載傳圖
書乃宗祖昭昭聖學篇授我自然度

不習書絹殊失故態已付染師作碧玉老
人卧帷矣呵呵拙詩紀興錄上顧別駕先
生以博一笑

用絹不用裏下筆無神氣何況闢其行大小難
更置能書法本同萬物性各異茅君踈而野拘
拘用乃廢我且毛穎之安能免濡滯書成始大
慙未忍水火棄持以付染師經始卧帷事作詩

告先生共契茅君埋

贈黎秀才

月行在青天月影沉碧水誰爲弄影人吾與黎
生耳黎生青雲彥偶借薇垣使明日還端陽贈
君惟有此

寄李子長二首

仙城李子長髮短不及寸家有瓦粟兒時無郭
元振經年斷往還使我勤問訊寧知造化心天
地無情盡

又

祝融我當徃徃處還自然未徃亦由我安知不
是仙是身元有患天道豈無緣難逢俗人說可
爲知者傳

卧遊羅浮四首

登飛雲

馬上問羅浮羅浮本無路虛空一拍手身在飛
雲處白日何冥冥乾坤忽風雨蓑笠將安之徘
徊四山暮

度鐵橋

一度一萬仞飛空本無鐵何名爲飛空道是安
排絕夜久天宇高霜清萬籟徹手持青琅玕坐
弄碧海月

下黃龍

天風吹我笠吹下黃龍頂兩手提笠行不知白
日暝赤松見我笑却立千丈影童子問赤松雲
深各不領

望羅浮

山大必有靈土高豈無異翠浮幾千丈日月東
南翳羽我尋五嶽來未問仙家事絕頂望九州衡

山正西峙

再贈周文都

十年兩別君一別一回老問藥朱陵遊吾茲恨
不早平生憂樂心相對各傾倒遠別望眼昏浮
雲不堪掃

寄題嚴州嚴先生祠壁

既上桐江臺復弄桐江釣不食桐江魚不怕嚴

光笑衣巾人咲儂羊裘終未了堂堂范公碑今
古稱獨妙

寒菊

菊花正開時嚴霜滿中野從來少人知誰是陶
潛者碧玉歲將窮端居酒堪把南山對面時不
取亦不舍

寄賀柯明府

夷狄犯中國妻妾凌夫君此風何可長此恨何
由申仲尼憂萬世作經因感麟往者宋元間適

逢大運心仰天泣者誰屈指張陸文臨事誠已
踈哀歌竟云云一正天地綱我

祖聖以神缺典誰表章崖山莽荆榛寥寥二百年
大忠起江濱慈元廟繼作爛映崖山雲近者陽
江尹一念何精勤作祠比崖山兩廟存三仁大
封赤坎墓昭昭愜衆聞深悲魚腹冷一躍海門
春厓海風波隔陽江面目新自然聲氣應坐使
風俗淳短卷心先賀神交夢每親琢詞告萬世
老病敢辭君

偶書所見

崖傾百丈泉直下注東川翳流起大春覆茅於
其巔一爲利所驅取便世爭先漢陰喻桔槔所
見無不然嗟哉抱甕心古道何由全

謝鄧督府惠交藤酒至

使來遺一樽百金不願易遇藥如遇仙竒方聞
在昔卓哉李文公作傳甚詳悉感公嘉惠心何
以酬公德但恐命不齊服藥也無益

曉枕

天地無窮年無窮吾亦在獨立無朋儔誰爲自
然配春陵造物徒斯人可神會有如壽匡者乃
我之儕輩永結無情遊相期八紘外

題端陽李太守甘霖重應卷

嶺南名刺史端陽有成績端陽問爲誰長沙垂
令德曰惟長沙公善非一代積去年苗欲槁公
寢不安席手拈一炷香湏臾見昭假今年事復
然斯民欣目擊甘霖雨下土郊野望四塞滂沱
及鄰壤秋田足民食公惠寧有心斯民感公德

口頌遂成碑舉手還加額安得長沙公爲我大
邦伯坐令十郡內廣布陽春澤閭閻興孝悌四
野無盜賊共育太和春網緼謝反側

偶得寄東所

知暮則知朝西風漲暮潮千秋一何短瞬息一
何遙有物萬象間不隨萬象凋舉目如見之何
必窮扶搖

登高未必高老脚且平步平步人不疑東西任
回顧豈無見在心何必擬諸古異體骨肉親有

生皆我與失之萬里途得之咫尺許得失在斯
須誰能別來去明日立秋來人方思處暑

和羅服周對菊見寄

春來苦不早春去常願遲嗟哉造化機萬物安
得知歲晏菊始吐鮮鮮在東籬不污桃李塵永
續徵君詩

龜山夜月

萬古此龜山萬古此明月開簾望龜山岱山宗固
無別但恐山多雲風吹亂人睫揚龜山先生備

正程氏遺書中間堯舜事業一段疑借此以正
其詩

補遺

馬牙香

爐中煨白木坐上是青天綺季奕未畢夷齊上
西山沉檀皆下品欲語不同年

題心泉

夜半汲山井山泉日日新不將泉照面白日多
飛塵飛塵亦無害莫弄桔槔頻

贈伍弼歸觀

諸生胡不歸九月望庭闈山北山南道紛紛落
葉飛呼兒巾木榻謝客掩荆扉不盡來時約堪
沾別處衣

白沙先生全集卷之十二

白沙先生全集卷之十二

五言絕句

曉起 三首

偶然風折木村犬吠成群此事真難免問君聞
不聞

又

辛苦南隣白遠鷄方一鳴夜來風極急吹斷到
窻聲

不知又

冬眠不覺曉開門見白雲雲中何所有童子兩
三人

湖西九巖爲一峯題

光霽巖

風月佳名在乾坤浪跡空從來巖下客祇與異
人逢

翠華巖

來說西湖者不及華山頂誰知巖中仙解作石
柱屏

清風巖

聲從竇中來可以塞天地借問采薇人便知風
動處

府教巖

府教英靈在虺蛇不敢居從來巖上月只是照
虛無

極清巖

聲名野老畏草石貴人爭刻却巖中有悠然
是極清

英公巖今名鍾英一峯所更

翠掩千尋洞青窺一竅天人間無絕境不要問
桃源

扇和巖即石柱巖

山骨短圓稜初疑削木成乾坤藏一柱猶得鎮
巖局

卧龍巖巖有龍潭龍床床之旁有石仙人

龍出潭水空龍歸潭水黑君從龍床來誰在龍
床側

月巖

閨闈月墮地忽在天中央墮地人不覺中天照
四方

題慈元廟

慈元一片石長留何處山崖門潮日至雪浪飛
天閣

題畫

金籠鎖鸚鵡山木縱班鳩巧拙知誰是天機不
自由

又

髮與疎梅白身將寡鶴親孤山殘雪夜清絕凭欄人

對酒

放歌當盡聲飲酒當盡情門前烏桕樹夜半子規鳴

谷丘侍御送酒

石齋書本拙酒力巧相扶欲報霜臺貺山中一物無

雨後

夕雨妨行樂花前望玉臺人間見花樹不似玉臺開

村步雜書所見六首

疎花明委巷細雨得今晨點綴非無意紅芳不是春

又

公飯何曾接衣冠不作人齋中有名酒分爾一杯春

又

晚食南山稻堂堂媿野人平生無可說一箇白頭親

又

村笛轟牛背山花結帽頭騎牛勝騎馬曲坂沒
即愁

又

趁罷江門市商船奪港歸溪山愁引望城郭更
須知

又

日照南浦口初喧江市人小奴性嗜酒出飲畏
吾嗔

戲贈求書饒大中還江右

雷聲
書法一家成風波幾月程孤舟愁度險薦福有

代簡谷方伯彭公二首

大賢望於人徃徃非獨守難將一人意滿足天
下口

又

氤氳復氤氳東君欲放春梅花何太早早報越
城人

書登絕句二首

清曉乘驟出北風吹澗藤沉吟澗邊道天意莫

留行

又

行止皆前定出門愁北風西郊不成往昨夜夢

途窮

贈鄺知縣雲卿別

又送夫君別芙蓉花可憐水深難折贈留伴老

夫眠

與諸友夜過貞節橋

人影荒橋下垂聲滿月中連翩雙大袖聊得戲

溪風

對菊五首

浙浙西風至為秋未有涯江邊聊一醉信手得

黃花

又

不落龍山帽何須九日風更煩將小雨向晚洗
花叢

又

春事歸姚李西風響未休長官三徑晚丞相一
坡秋菊坡先生崔與之也

又

好個重陽節誰家酒不賒果然殺風景吸茗對
秋艷

又

天地花無數寒花色乃佳古詩拈未出除是長
官來

九月木犀花盛開偶成寄賀黃門克恭

香逐西風起氤氳入杳冥不知從此去幾日到
遼城

洗竹三首

風引一叢竹搖搖四五莖橫斜今洗盡道眼看
圓成

又

洗竹洗荒枝洗心洗狂馳老夫無可洗抱膝洗
吾詩

又

一洗一回疎相將洗到無客來莫問我北壁有

團蒲

曉起 三首

籬頭過井水不打隔齋門手握南陽布纏頭數
竹孫

又

老不愛春華一籬孤負花胡為聒我枕捍子打
朝鴉

又

自有無情蝶孤飛不傍花白頭聞見少閑動羽
虫嗟

贈張叔亨侍御

天下元無事勞勞我有心相携沙上語山月二
更深

觀群兒釣二首

群兒齊弄釣其一偏多遇餘三未得手投竿來
上樹

又

仰面看垂釣失脚墮危石若是謫仙人水中眠
亦得

閔丁知縣傳

模樣從看拙丹青只寫真乾坤如許大具眼不
無人

夢中作

翩翩復翩翩天生我亦仙江山足風月吟弄到
何年

夢丁彥誠

與君生死別三四歲星周夢語分明記相悲各
點頭

對竹三首

竹色上墻多南薰綠幾何肯無分付處野鳥自
來歌

又

窓外竹青青
窓間人獨坐
究竟竹與人
元來無
兩箇

又

北風卷頑雲
陰晴安可卜
海日出漸高
獨照南
窓竹

隨筆六首

苟能深積累
豈患無高譽
如何世中人
其心鐵
爐步

又

一歲十四衣
一日兩盃飯
真樂苟不存
衣食為
心患

又

人不能外事事
不能外理二障
佛所名吾儒
寧
有此

又

斷除嗜欲
想求徹天機
障身居萬物
中心在萬
物上

又

小雨閉空齋青青竹映堦道人終日靜一枕到無懷

又

子美詩之聖堯夫更別傳後來操翰者二妙少能兼

梅下雜詩二首

朝凭曲闌西暮凭曲闌東闌裏梅花好看花了病翁

又

久共寬閑地濃薰自在香祈來何所寄只是寄遼陽賀黃門欽也

贈人

萱親垂九十遊子尚天涯莫艤仙城棹南風夜引旗

讀易偶成

南乎不可北東乎不可西自從孔孟來君子恒處睽

張克脩別駕約遊羅浮

重疊四百峰鐵橋在何處莫將別駕來同到飛
雲去

張克脩別駕見訪

滄溟幾萬里山泉未盈尺到海觀會同乾坤誰
眼碧

題劉鑑松

劉生於馬松能以酒力遣酩酊氣正豪蒼龍自
舒卷

題扇面畫二首

風檣杓欲折五月瞿塘過何如此庵中終日抱
膝坐

又

張帆海上回帆掛鐵橋樹驚起白蝦蟆跳上飛
雲去

贈胡地官次吳明府獻臣韻二首

有一范仲淹人將重名節馬上地曹即翩翩起
吾粵

又

引蒲花下盃延緣坐中客醉下大袖歌孰云此
門窄

題林府尊壽家慈書後有序

書中晨字誤筆今易之漢郎中令石建
萬石君之子也遷史萬石君傳及稱建
謹慎之至以方吾太守公蓋未知孰賢
也跋以是詩

馬尾緣封事魚緘壽老親古今成一揆藉用白

茅人

題顧通府集古倡和卷後

滿眼珠玉光高才極雄騁對之不敢言稚子來
弄影出化書

題畫松爲張別駕

松乃木之雄公亦人中龍何須看畫本千丈在
胸中

訪客舟中

船頭酒多少船尾閣春沙恰到溪窮處山山積

穀花

夢後作四首

策杖獨行遊青山一何深道逢采藥人問我松

脂林

又

見月時一吟夜涼天稱心回頭望東川流水無

古今

又

幻迹有去來達觀無古今長嘯人不聞山風吹

蘿襟

又

楊柳餘朽株梧桐但踈陰小卧不出門不知秋

已深

贈鄭筠巢

山中一夜秋老屋居然別丈人不飲酒共坐看

明月

客乞題隨時子軒

無雨笠且置未晴蓑不捨蓑笠用不窮我是隨

時者

偶題扇面二首

東艇拍西艇小拍庸何傷夕風起驚濤艇艇爭
低昂

又

一夫眉正揚一夫髮盡禿日暮船不歸前江風
拔木

蔣韶州世欽輓詩二首

治郡聲名遠如何是我詩青山韶石老回首盡

交期

又

往事形骸外如今一夢休曹溪分我茗猶說蔣
韶州

周京聞母喪歸吊以是詩

萬里無歸耗形將一木親遺言入肝肺直得太
夫人

題南窻壁

南風吹面處不省是南窻此意無人會乾坤落

酒缸

雨後示劉宗信林時嘉二首

一雨變新涼炎埃洗除盡廬山昨夜燈已照劉宗信

又

秋來亦滂濼日月闕其光乾坤丈夫事千古空堂堂

漫筆

幅巾是秀才袈裟是和尚伎倆人共知長篇事

標榜

神泉八景為饒鑑賦其四贈之

太極涵虛

混沌固有初渾淪本無物萬化自流形何處尋吾一

浮螺得月

道眼大小同乾坤一螺寄東山月出時我在觀溟處

茶山分香

江門白藕花我榻廬山頂君若去茶山茶香復
誰領

神泉漱玉

焦明亦是鳳瑩焰只疑燈安得石上泉爲洗世
中盲

九日三首

霜前淡淡花瓢內深深酒今日陶淵明廬山作
重九

又

同俗不同俗山盃映秋菊仍聞席上歌不是人
間曲

又

歌舞重陽酒今年有去年山中八石榻榻榻是
回仙

讀李評事承芳文三首

著論必無同乾坤孰此容人扶周孔教用世且
無功

又

一囊包宇宙到手問綱常所以東坡老嘍嘍薄
武王

又

不薄論交意因書稍稍知還將天下眼照破老
夫癡

送劉宗信還增城四首

夜宿黃雲塢秋登碧玉樓時歸一片石見月過
羅浮

又

山到鐵橋西青天一角低送君高處望天與帽
簷齊

又

菊花咲我前梅花撩我後問花花不言駐楫增
江口

又

山人偶出村送客村南道江山風日佳歲月乾
坤老

贈張叔亨侍御出按雲南

到治一萬里使君行莫遲梅花開樹樹不是向南枝

碧玉樓晚望

樓遠見諸山目短意不盡天陰水恠興碧玉所以鎮

贈克脩別駕遷梧州守來別白沙贈之音

甲兵滿一船江門來訪別贈君欲何言咲把梅花折

又

少年恣行遊老病徒拘綴送君今夜心還到蒼梧去

贈陳護湛雨二首

說到忘言處無詩可贈君許將臨別意一點落黃雲

又

君若問鳶魚鳶魚體本虛我拈言外意六籍也無書

送李于長往懷集取道謁張梧州二首

春棹去江門
沂流焉汲汲
點筆煙外山
歸來看
懷集

又

不聞端別駕
敬士如子長
問道蒼梧下
登歌刺
史堂

贈范能用二首

溽暑不可處
清風時滿樓
如何傳別教
衲被坐
蒙頭

又

阮籍見孫登
只聞孫登嘯
針在繡不傳
繡傳針
不妙

西良容倫
魏荔枝非桂
州本色戲以
是詩
口溢桂州漿
眼定西良色
我是荔枝仙
何人解
漫得

壽南山翁七十二首

朝看亦南山
暮看亦南山
南山長不老
聊以永
君年

又

萬株松上花千日
盃中酒兒孫戲膝前一舞一
回壽

贈太守黃公豐城人

水白端陽色梅紅嶺上花
春風迎度馬秋月候
歸槎

題陳俊卿畫像宋丞相

御史鐵爲肝張秦掛舌端
至今湖嶠月猶作太
師看

題陳文龍畫像宋狀元

文章甲天下氣節愧當時
公毋亦滂母千秋名
共馳

梁惟正鄧德昌往來白沙途中遇盜惟正
以舟泊淺奔于岍避之德昌抱書立船頭
盜不加害戲贈以詩

道逢惡少年打破兩生敬
試問鄧德昌何如梁
惟正

曉枕偶成二首

采義非采薇食薇不食粟
遙遙望西山千古嗟

我獨

又

西北多奇峰雲深杳難認漢廷無謀臣黃綺皆
真隱

度危橋

事至絕安排脚踏高崖如何謝上蔡旦旦君
危堦

贈閔督府還陞南京秋官二首

司寇今欲行病叟山中卧如聞經畧憂采向春

風破

又

吾聞用世心中外無異等何由一送公細話東
西省

贈林府尊

彼曰春泥人此曰人泥春晨朝出相送向夕望
歸輪

贈李克常

桃花被東听江水日日深贈君豈無言亦有花

水吟

感事漫述與王樂用 四首

丁侯爲縣時不與謁者通古稱奉法吏秉筆惟
至公

又

留情重留情獄事果難明無輕赤子命爲官急
書程

又

士而未聞道未免爲物撓卓哉安心人外事若

無好

又

舍已莫委命從人莫登山嗚呼羅一峯逐善如
轉圜

寄淮上秋官姜仁夫

問客淮南道停舟過此無廬岡一端帛爲我謝
仁夫

卷王按治求乃翁輓 四首

樂善堂

樂善機應孰垂聲教不窮江山無盡意猶在典
刑中

月湖別墅

水月非無主長懷別墅秋湖光一萬頃端爲此
翁留

可怡亭

此地還成趣庭柯幾度板亭中人不見月照門
前山

吳山壽藏

山隱一坏土人思百代傳無窮身後事未若子
孫賢

題丁長官廟

何時重借寇此地一桐鄉四海諸侯望千年一
炷香

會翠亭

東池久寂寞會翠得佳名小詩粘未出去尋王
右丞

吳主簿詩主簿名則宣平人吳黃門仕偉之

父也

軍門止殺

按狀正統己巳閩城賊流毒處民蟻附朝命大司馬孫公原貞夷之知先君謀畧禮致幕下贊畫百協邑有三巖民多避難於上偪脅之衆亦有聞義而歸者命先君統之推誠示信無不感服寇平孫文欲行法先君泣曰殄厥渠魁脅從罔治矧旣歸命殺之不祥竟得免奉功

授鮑村巡檢

泣諫天應見坑降地不知自然殃慶至天道不須疑

過與弗取

按狀景泰間分麗水爲宣平復命先君董其役伐木於山役力於民期年而功成孫曰難平邑作皆爾之能餘木尚多可治爾居先君辭曰功成于上愚下何有明公芟夷大難布德於瘡痍之民一

獲安其也受賜多矣且官物不可入私
門未敢如命孫益敬之

百世高公綽千金謝魯連胸中無雅度勝事竟
誰傳

卜築西溪

按狀鮑村任蒲陞華亭主簿愛民如子
處國如家凡有議讞多稱平焉且疏于
下民濬河渠禁賄賂等十事于朝皆
賜可松之地狹於蘇而漕數反出其上

又爲民陳情得減北運一萬石事載雲
間志任松十年勤勞罔懈僅五十而二
毛蕭然歎曰天道四時功成者退庸可
不知止乎遂乞致仕而歸卜築西溪之
上

主簿能經濟中年未乞身西溪看卜築知是晏
眠人

寄嚴州林郡博緝熙

萬紫千紅外如君故可人桐江都蒲樹海驛尚

含春

寄東所

春江正滿時未具衡陽楫還携鄧俊圭江門與君別

夢林緝熙二首

酒闌歌不起老病無奈何夢滿桐江雨相對不成歌

又

山樓本無夢我自喜又嚴州嚴州誰夢我自雲天

際流

谷柯明府

終秉循良筆難逃俗吏嗤不知三考績課最竟何須

贈雷少尹還汀州

桔槔滿天地抱甕古來難哦松非俗吏哦松不在山

覺後

馬圖不出河鉛刀不割癡上下幾千年揜卷一

沾衣

謝姜大叅惠酒

名公遺我酒洗琰自開嘗何以酬佳貺商歌示
不忘

題武進八景為徐嶺南絃作

龍山春雨

長夏龍山曉人間望忽開長風捲雨去復送雲
歸來

笠澤煙波

何處煙波好公乘笠澤槎我泛江門月乾坤共
一家

龜山夜月

夜半龜山月能開萬頃秋試從開處望照公湖
上樓

陳濟壘嶂

丹青
陳濟壘嶂新我詩君莫笑還屬姓

陳人

薛堰通津

薛堰歸何處披圖想具區古來探本論無欠也
無餘

亭山夕照

山亭不可踰華頂凌天台卑高本自形夕照從
西來

廟墩靈跡

掇溺如救火造次遂捐生金陵人去遠物鬼不
來爭

板橋書屋

板橋謫吾伊名稱已蓋世誰云龜山月不照新
堂睡

荅無錫諸友

碧玉通書尺青天感興新江門動秋思聊因寄
故人

送米與何侃

野饌家禽小村春晚粒香莫言無厚餽吾意在
分嘗

九日用舊韻

新篋壓兩壺落英携滿袖我非陶長官廬山還九九

送黃希顏之太平推官

有官五馬後無官百揆前不將前後看須着有無言

題高瑁詩集

神交傾蓋上心遠著詩時無由向人道人亦豈能知

紀夢

一別三十年相逢不相識骨肉為路人春風淚沾臆

寄潘留鶴

有時牛亦坐何處鶴還留天台二萬丈誰踏紫冥謳

題伍光字碑陰

松柏孤高處春風更可尋如君有賢配昭德在碑陰

谷廷實有懷見寄

白雲蒲中野此地即衡山莫擬西來棹瀆防矣
路難

謝孟芳遺腹生男

充間人所喜今日愴還深憶我初求乳誰知母
氏心

贈吳惠州繹思

皂蓋朝

天闕青山道故鄉高堂開壽宇酪酏別莆陽

鴈鴒

初日上茅簷江邊有畫船八哥莫饒舌有
詔許歸眠

鴈鴒能言鳥能言我恨無白頭書小楷不及蔡
君模

九日諸生携酒飲白沙醉中和谷

老病得狂癡謹呼九日期自補登山屐誰供把
酒卮

諸君爲餘會老子不須期畫數籬前菊一花拈
一卮

九九八十一去來無窮期元精爲我酒大塊爲
我卮

對酒用九日韻

秋花新氣味秋月舊襟期獨唱花前曲閑傾月
下卮

行年三十許已卜入山期處處開花逕
酒卮

飲酒何必多醺酣以爲期不辭亦不勸三卮或
五卮

作詩尚平淡當與風雅期如飲玄酒者器用瓦
爲卮

梅花

水陸花無數南枝愛殺人遙持一盃酒江上醉
花神

逢人間除目君得地曹卽此意憑誰寄梅花隱
石床

謂東所也

九日懷麥岐時往江東未返用前韻

東西填脚債已過一秋期今日拈花處思君第

一卮

茱萸何處酒勝日與君期漁翁歌獨釣江月夜

明卮

六言絕句

周鎬送白菊乞詩

陶令黃金遶舍君家白玉滿園千古清風廬阜

幾叢細雨江門

微醉不須酪酏半開莫待離披安得季芳與語

相思欲寄一枝

白菊偏宜素髮青山只對蒼顏
曉罷秋香滿腹

風吹不到長安

邀丁縣主賞菊

社會賦詩不就公當酬我盃盤小酌倘尋舊雨

東籬還對長官

題枕

太華峰頭一枕千秋萬歲通靈不怕惡蛙驚睡

鼻端三月雷鳴

六言絕句

風灑數莖白雪月臨一丈青
筇餘事歸詩卷
襍
殘年放酒杯中

景斜瓦碗方食日晏柴門未開
五柳前身處士
一瓢今日顏回

晨光沼上魚戲夕陽村邊鳥來
東隣小兒識我
一日上樹千回

翠煙綠樹歌鳥青水紅蕖浴鷗
笑問五湖范蠡
風濤何處扁舟

白沙先生全集卷之十二

